



Prot. N. 1559/19/I

DECRETUM

PAENITENTIARIA APOSTOLICA, ad augendam fidelium religionem animarumque salutem, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, attentis precibus nuper allatis ab Exc.mo Patre Domino Laurentio Leuzzi, Episcopo Aprutino seu Teramensi-Hatriensi seu Atriensi, una cum Rectore Sancti Gabrielis a Virgine Perdolente Sanctuarii de Insula Montis Fiscelli, praefatae Dioeceseos, occasione sollemnum in honorem Sancti Patroni Gabrielis celebrationum quae in eodem Sanctuario a die XVII Maii MMXX usque ad diem XXX Maii MMXXI peragentur, de caelestibus Ecclesiae thesauris benigne concedit plenariam Indulgentiam, suetis sub condicionibus (sacramentali Confessione, eucharistica Communionem et orationem ad mentem Summi Pontificis) a christifidelibus vere paenitentibus atque caritate compulsis lucrandam, quam etiam animabus fidelium in Purgatorio detentis per modum suffragii applicare possint, si Sancti Gabrielis a Virgine Perdolente Sanctuarium in forma peregrinationis inviserint et ibi iubilantibus celebrationibus devote interfuerint, vel saltem coram Sancti Gabrielis exuviis per congruum temporis spatium piis vacaverint considerationibus, concludendis Oratione Dominica, Symbolo Fidei invocationibusque Beatæ Mariae Virginis et Sancti Gabrielis a Virgine Perdolente.

Senes, infirmi omnesque qui gravi causa domo exire nequeunt, pariter plenariam consequi poterunt Indulgentiam, concepta detestatione cuiusque peccati et intentione praestandi, ubi primum licuerit, tres consuetas condiciones, si coram aliqua Sancti imagine iubilantibus celebrationibus se spiritaliter adiunxerint, precibus doloribusque suis vel incommodis propriae vitae misericordiam Deo oblatis.

Quo igitur accessus, ad divinam veniam per Ecclesiae claves consequendam, facilior pro pastoralis caritatis evadat, haec Paenitentia enixe rogat ut Patres ex Congregatione Passionis Iesu Christi, quibus praefatum Sanctuarium commissum est, prompto et generoso animo celebrationi Paenitentiae sese praebeant.

Praesenti pro hac vice tantum valituro. Non obstantibus in contrarium facientibus quibuscumque.

Datum Romae, ex aedibus Paenitentiarum Apostolicarum, die XV mensis Maii, anno Dominicae Incarnationis MMXX.

Maurus Card. Piacenza
MAURUS Card. PIACENZA
Paenitentiarum Maior

Christophorus Nykiel
CHRISTOPHORUS NYKIEL
Regens